

# Amashiwi pa Insambu

sha bantu mubwipi kuntungulushi sha cikaya



ICIBEMBA



# Table of Contents

Acronyms	iii
Ukutasha	iv
Amashiwi yapakutendeka	v
<b>ICIPANDWA CAKUBALILAPO - INTUNTUKO</b>	<b>1</b>
1.1 Umulandu uukalamba uwakubimbilamo intungulushi shaikaya mukutungilila elyo nokucingilila insambu sha bantu	1
<b>ICIPANDWA CABUBILI - IFYAKWISHIBA IFIKANKALA PANSAMBU SHA BANTU</b>	<b>3</b>
2.1 Ubulondoloshi bwa insambu sha bantu	3
2.2 Ukunonkela mu nsambu sha bantu	3
2.3 Imitundu ya insambu	4
<b>ICIPANDWA CABUTATU - IMIBELE YANSAMBU SHA BANTU MUNO ZAMBIA</b>	<b>6</b>
3.1 Umulimo wakwata ubuteko	6
3.2 Umulimo wabekala calo	6
3.3 Ukutitikisha kwa insambu sha bantu	6
3.4 Abantu abashakwata apakuma ukuboko nangu ama bumba ebo insambu shabo shonaulwa	7
3.5 Intulo yacalenga ukonaulwa kwa insambu shabantu	8
3.6 Ifitumbuka mukonaula insambu sha bantu	8
3.7 Umulimo wa intungulushi sha cikaya mukucingilila insambu sha bantu	10
<b>ICIPANDWA CALENGA BUNE - ISHUKO ILYABAKO MUKUCINGILILA KWA INSAMBU SHA BANTU</b>	<b>11</b>
4.1 Amafunde yapa nsambu sha bantu nefyatantikwa mu Zambia	11
4.2 Ifyabikwako ukukonka mumibombele	12
4.3 Ifingabomfiwa mwisonde, mucitungu elyo namumwenu ifingacingilila insambu sha bantu	13
4.4 Ifyakubomfya mucitungu	16
4.5 Ifyakubomfya mucalo ukullosha ku insambu shabantu	17
<b>ICIPANDWA CALENGA BUSANO - IFYAKUBOMFYA INTUNGULUSHI SHA CIKAYA PAKUCINGILILA INSAMBU SHABANTU</b>	<b>19</b>
5.1 Intungulushi sha cikaya shilaibimbamo mukulanshanya kuba muncende bekala cila nshita	19
5.2 Ukubombela pamo nabatubungwe tulandilako abantu elyo nabambi abacingilila insambu shabantu nabambi ababimbwamo	19
5.3 Ukubikako ifyakukonka muncende mwikala abantu mubutantiko bwakwishibisha abantu pansambu	19
5.4 Ukushininkisha ukutila ifunde lya cikaya nentambi tafifulungenye insambu sha bantu	19
5.5 Ukubimbamo sana ubuteko pakushininkisha ukutila kwaba ukucingilila insambu shabantu bekala muncende	20

## Acronyms

AU	African Union
ICCPR	International Covenant on Civil and Political Rights
ICESCR	International Covenant on Economic, Social and Cultural Rights
LGBTI	Lesbian, Gay, Bisexual, Transgender and Intersex
PSAf	Panos Institute Southern Africa
UDHR	Universal Declaration of Human Rights

# Ukutasha

Aya amashiwi ayanono aya intungulushi shacikaya yafymine kukabungwe ka Panos ababa kucutungu ca Southern muno Africa aketwa Panos Institute Southern Africa (PSAf) Yabikilwe pamo naba Landilani Banda, incende iyi ibombelafye abo bacitile nokufwailisha ukwingi pa lyashi lilimo, elyo ukupitulukamo o nokusalamo ifilingile ukubikamo kwacitilwe na bamama Mamoletsane Khati na bamama Lilian Kiefer abaku PSAf.

Ba PSAf baletuma ukutasha kuli Embassy yaku Canada muno Lusaka pakutungilila nokuleta pamo intungulushi ya cikaya mukubomba umulimo wakupwisha ukukankamba, ico icilengele ukubikako ili ilyashi.

Tuletotela kuntungulushi sha cikaya abo balandilape amashiwi bakwete nefyo bamona ficitika ukulosa ku nsambu sha bantu muncende mumwabo nenshila balemona ati kuti shabomba ukucingilila insambu shabantu abashakwata apakuma ukuboko

Tuletuma ukutasha kabili kuli ba Wellington Moyo, bamama Mapalo Chibale, bamama Bridget Muvunda elyo naba mama Pauline Phiri pakupilibula ili ilyashi mululimi Iwa ChiTonga, IciLala, IciBemba elyo namu ChiChewa. Namukulekelesha ukutotela kumbi kwaya kuli ba Choolwe Hamando, ba Boniface Susa, ba Chongo Kamfwa elyo naba Joseph Mbewe pakupitululwa mwi lyashi lyapilibwilwe mufitundu pakushininkisha ukutila ili ilyashi lipilibwilwe abantu kuti baumfwa muma boma nokunonkelamo elyo nokubomfya.

Ngamulefwaya ukwishibilapo ifingi nangu mulefwaya ili ilyashi, kuti mwatumina:

Ba Panos Institute Southern Africa (PSAf)

Plot 9028 Buluwe Road, Woodlands

P. O Box 39163

Lusaka, Zambia

Tel: +260-978-778148/9

Fax: +260-211-261039

Lembeni kalata ya Email ku : [general@panos.org.zm](mailto:general@panos.org.zm)

Website: [www.panos.org.zm](http://www.panos.org.zm)

© Panos Institute Southern Africa 2016

# Amashiwi yapakutendeka

Akabungwe ka Panos Institute Southern Africa (PSAf) kalicindika ilyashi ngenshila yakusuminisha abantu abapusana pusana ukuibimba munshila sha buyantanshi. Nipali ici, aka akabungwe kalabomfya inshila ishapusana ishafikapo mukusabankanya ilyashi elyo nokusabankanya kwelyashi lyabuyantanshi abo ebo cikumine, mukushininkisha ukutula ilyashi lyabomfiwa mukutwala ubuyantanshi.

Bamo pali aba bantu ebo akabungwe ka PSAf kabomba nabo mukwalula imitontonkanishe yabantu nitungulushi sha cikaya, abalula imitontonkanishe yabantu nemimwene yafintu kabili abasungilila intambi, nolubali lwabo ulwakutungilila ubucingo bwa insambu sha bantu muncende bekala, ukulanda pamilandu iya mikalile iyilenga ukukankamba, ukucushiwa elyo nokupatululwa.

Amashiwi pa insambu sha bantu mubwipi kuntungulushi sha cikaya kanshi nayabikwako pamo nge fyakuloshako ku intungulushi shacikaya nelyashi ilingabafwa ukubomba umulimo wabo mukufikapo. Aya amashiwi yeminine pakushininkisha ukutula ilyashi eko lili ilikafwilisha intungulushi sha cikaya ukwishiba inshila isho bengabomfya mukucingilila insambu sha bantu. Ubwishibilo bwafikapo pali uyu umulandu bukafwilisha intungulushi sha cikaya ukuwamya inshila babomfya mukucingilila ukunyantilila insambu sha bantu muncende mwikala abantu.

Amashiwi pansambu shabantu yalatingilila intungulushi shacikaya ukukosha ulubali lwabo ukupitila mukufushako ubwishibilo bwabo namano pali uyu umulandu. Ukwiba emaka. Intungulushi sha cikaya abaishiba bwino pali ili ilyashi balikwata amaka yakwalula imitontonkanishe yabantu mukuibimba mubuyantanshi bubelelela munshila iyisuma ukucila nga tabeshibe nangu cimo. Nga cakutula baebwa bwino, cilabangukila ukwebako bambi muncende bekala elyo nakumbi elyo nokucita ifintu munshila yalinga iyisuma. Ili ilyashi lipelwe muli uku kupekanya lilepela umufula kuntungulushi shacikaya mukufikilisha ukuibimbamo kwabantu, elyo nokushininkisha ukutula ebo cikumine abapusana pusana muncende bekala basendamo ulubali.

Lisubilo lyesu ukutula amashiwi pansambu shabantu aya yakafwilisha ukuwamya ukuibimbamo ukwafikapo mukucingilila insambu shabantu muncende mwikala abantu, ico cikafwa ukuibimbamo mukuwamya imitontonkanishe yabantu ukulosa kubuyantanshi bwa bantu abashakwata apakuma ukuboko.

Ili ilyashi lipelwe libikilweko munshila ikasuminisha intungulushi sha cikaya ukubomba mupepi nentungulushi sha buteko, utubungwe twabuteko elyo notubungwe tulandilako abantu mukutungilila ukupakamisha amabumba yabantu abashakwata apakuma ukuboko muncende bekala elyo nokusambilisha abantu muncende bekala palwa nsambu shabantu. Lisubilo lyesu kanshi ukutula intungulushi shacikaya shikasanga ili ilyashi ngelyakunonsha mukwishiba bwino pansambu elyo nokuwamya umulimo wababo mukucingilila insambu shabantu.



Ba Lilian Kiefer  
Abakalamba bamilimo

## Intuntuko

Pamo nge calo icabamo ubuntungwa ubwashintilila palupapulo, icalo ca Zambia cilacingilila insambu sha bantu ukubomfya ulupapulo. Ulupapulo efunde ilyakatama umwaba insambu sha bantu ayasangwa pacipande cabutatu. Ukucila pa lupapulo, icalo ca Zambia nakabili calisuminisha insambu shabantu ishaba mufyalo fya kunse. Ishi insambu shabelako ukubikako ubucingo pakukana titikisha insambu sha bantu pamo nga ukukankambwa, ukupatululwa elyo nokutitikishiwa.

Nakuba, nangu cakuti kwaliba insambu ishashininkishiwa ishaba mulupapulo lwa calo elyo nokusuminisha kwa insambu sha bantu ukwa mwisonde, icalo ca Zambia cicili cilepita mubwafya ubukalamba mukucingilila nokufikilisha insambu sha bantu. Ibumba ilya bantu ilyaseka sana ukwikalila pansambu muno Zambia niba namayo, abana, abakote, abafungwa, abalemana, abantu abakwata HIV ukubikapo nabalya abakumana nabanakashi nangu abaume banabo (bu cimbwi kayupe). Imibele yalilishapo kuliba mukamfwilwa elyo nabana abanakashi ebobofya bwango. Aba abantu ukufuma nakale balipita mubwafya sana elyo iyi imibele icily ilekonkanyapo.

Ukukana konka insambu ilingi line kucitika pamulandu wakukana kwata ubwishibilo bwafikapo pelyashi, ifyakucita elyo nefilingile ukukonka fimo mumikalile. Pali ifi kuti paba nokukana kwata ifipatala ifisuma ifyakuyako mukutangatwa, ukukanaya kusukulu, ukupita mubwafya bwa kukangangana mumayanda elyo nokufya abana bwangu, ukupatululwa elyo nemisango imbi iyakusekwa. Kwaliba ifintu ifingi ifilenga ukukana konka ishi insambu sha bantu. Pafilenga paliba insala, umuntu ukukana ishiba insambu shakwe, ifisumino ifyalubana elyo nensoselo shimo ishilenga ukukankamba elyo nokusekwa.

Nangu cakuti kwalibako ubwafya mukucindika elyo nokucingilila insambu sha bantu, kwaliba inshila ishingilishapekanishiwa ishishininkisha ukutila insambu sha bantu shakonkwa. Pali uku kupekanya kwaba nolubali ulukalamba ulu infumu shingabomba. Intungulushi sha cikaya shalikwata icifulo icaibela muno calo ca Zambia icibalenga ukuba palutwe mukutungilila elyo nokucingilila insambu sha bantu. Ici cipepala calasopolola ifyo imfumu sha cikaya shingabomfya ififulo bakwata ukucingilila elyo nokutungilila insambu sha bantu.

### 1.1 Umulandu uukalamba uwakubimbilamo intungulushi shaikaya mukutungilila elyo nokucingilila insambu sha bantu

Intungulushi sha cikaya nibalya abateka abantu ukubomfya amafunde ya cikaya nobutungulushi ubwabako nakale muncende ishampusana pusana muno Zambia elyo kwashintilila pali insambi shaba muli cila incende. Intungulushi sha cikaya shikala muncende mwikala abantu bateka kabili ebakwata amafunde nefishilano fyakukonka kuncende kuntu bekalila. Imfumu sha cikaya paba Imfumu, bamwine mushi, elyo nabapanda imfumu amano.

Imitekele yabutungulushi bwa cikaya nikale bwatampa muno Africa nge citungu elyo namu Zambia nge calo. Muno Zambia, ubutungulushi bwa cikaya bwalisuminishiwa nefunde pa cipande calenga ikumi limo nacimo apalanda pamafunde ya bufumu mulupapulo lwa calo, pa cipandwa calenga calenga 287 mumafunde ya calo ca Zambia. Ukukonka nolupapulo lwa calo, imfumu bantu abakankala sana mufyalo bateka. Ili ifunde kabili lilanda pa mulimo wa intungulushi sha cikaya muncende bateka.

Intungulushi sha cikaya bantu abakankala mukutungilila nokucingilila insambu sha bantu pamilandu yakonkana pano:

- i) Intungulushi sha cikaya shalicindikwa mumishi muntu baba muno Zambia kabili balabomba umulimo uyukalamba mukutwala pantanshi nokulwisha ubuyantanshi bwamikalile mummyabo. Kabili balapingula napa milandu ukubomfya amafunde ne filye fyacikaya ifyakwata amaka yakukanda nokupakamisha amafunde muncende muntu bekala. Babomfya amafunde yacikaya mufilye fyamumishi ifingatampa ukucingilila insambu sha bantu bonse abashakwata apakuma ukuboko muncende sha mumishi. Intungulushi sha cikaya balamonana nemyanda ya bantu muncende bekala ukupitila mukulanshanya bakwata nabantu nokupanda ubuteko amano pafintu ifikumine ifyamtambi. Kanshi balikwata ulubali lwakwalula imitontonkanishe pakupanga kwa mafunde ayakuma imibele yabantu abengi Sana muncende ishingishishi mumishi.
- ii) Intungulushi sha cikaya shalikwata amaka yakutungilila imibele iyisuma ilyo balebomba umulimo uyukalamba uwakusambilila imisepela pakashishi ka HIV na AIDS, ukubasambilisha pakuicingilila kumalwele yalwambu nokutungilila insambu pa bumi busuma ilyo balekumana muncende mwikala abantu.
- iii) Ukullosha kunsambu sha bantu intungulushi sha cikaya shilabomba umulimo uyukalamba sana kabili uwacindama mukushininkisha ukutila kwaba ukucindika nokutungilila insambu sha bantu babo. Pakuti kwingaba ukwalula imibele nemicitile muno Zambia, intungulushi shacikaya shilingile ukuba kuntanshi mukutungilila ukwaluka konse ukwa buyantanshi mumikalile ukubikapo nokubimbamo kwa insambu sha bantu elyo nokuibimbamo kwabo.

Intungulushi shacikaya shalikwata umulimo uyukalamba sana mukwalula imitontonkanishe yabantu. Mummyaka iyapita ba PSAf basambilila ukutila ukubimbamo kwa intungulushi sha cikaya mufikumine incende bekalamo calyanguka sana ukubafwa ukusekele mufilecitika pakutila bengabomba bwino umulimo wabo. Iyi inshila yalibomba bwino mukubombela pafintu fimo ifyakakata pamo ngo kukangana pakati kabashi bantu nabana mayo, ukupa impali, ukupyanika, ukufya abana bwangu, nokuponya amafumo ukwabula ukukonka ifunde. Ba PSAf balikosapofye ukutila ngacakuti inshila imo ine yalibomfiwe mukutungilila nokucingilila insambu shabantu, kuti kwaba ukufikilisha ukwaluka kulekabilwa.

Pafilenga ukukana ibimbamo kwa intungulushi sha cikaya mukucingilila nokutungilila insambu shabantu balya abatemwa ebo abo bapalana nabo icifyalilwa muno Zambia paba:

1. Ukukana ishiba bwino ukupusana pusana kwa kwampana pamo ku intungulushi sha cikaya.
2. Intungulushi shacikaya ukukanakwata ubwishibilo bwafikapo pansambu shabantu
3. Ukukana poseshako amano ku lubali bakwata mukupwisha ukukankamba ukubomfya ififulo bakwata ifyakwalula imitontonkanishe.

Intungulushi sha cikaya kanshi balingile ukutungililwa mukubapela ilyashi lyafikapo pakutila bengakwata ilyashi ilikankala ilyakubomfya ukutungilila umulimganya nokucingilila insambu sha bantu. Ba PSAf kanshi balibikako ili ilyashi lya fyakukonka iliminine pakubikako ilyashi ilyalinga pansambu sha bantu, ifingatumbuka mukonaula insambu shabantu abashakwata apakuma ukuboko elyo nabalya abatemwa ebo bapalana nabo icifyalilwa. Ili ilyashi likabikako ubwishibilo bwafikapo pansambu sha bantu nokukusha imitontonkanishe palubali intungulushi sha cikaya bakwata mukupwisha ukukankamba muncende bekala nabantu. Ifi ifyakukonka filepela intungulushi sha cikaya ilyashi ilikakusha ubwishibilo bwabo nokutemwa kwa insambu shabantu abashakwata apakuma ukuboko pakutila bengabomba bwino umulimo wabo.

## Iyakwishiba ifikankala pansambu sha bantu

### 2.1 Ubulondoloshi bwa insambu sha bantu

Insambu sha bantu maka nobuntungwa ubo cila muntu akwata cikulufye muntu. Icakumwenako, insambu sha bumi busuma. Ici calola mukuti cila muntu alikwata insambu shakuya kucipatala, mukuyamundapa nokwikala uwa bumi ubusuma.

Icikomo 1 ica insambu shasuminishiwa mukusuminishanya kwaba mukusabankanya kwa mwisonde lyonse ukwa Universal Declaration of Human Rights (UDHR) cilasuminisha ici kabili cilundapo nokutila “Abantu bonse bafyalwa abantungwa kabili abalingana mubucindami nensambu shimo shine”. Aya amashiwi nefyakukonka ifisangwa mukusabankanya kwa UDHR efyacingilila ukunonkelamo, ukucingililwa elyo nokufikilisha kwa insambu sha bantu bonsefye. Iki ifyakukonka nakuba filangilila ukutila abantu bali lingana kanshi balingile ukunonkela munsambu shabo ukwabula ukukankambwa nangu ukupatululwa

Icikomo 2 ica masihiwi yasuminishiwe mukusabankanya kwa UDHR:

“Cila muntu alikwata ulubali munsambu nobuntungwa ubwabikwa muli uku kusuminishanya, ukwabula ukupatululwa ukuli konse, pamo nga ukwafuma umuntu, imimonekele, icifyalilwa, umutundu, uko apepa, icilonganino atungilila icamashiwi yafikansa fya calo, ku calo afuma, ifipe akwata, uko afyalilwe nangu icifulo akwata.” Mukufikapo kanshi ukusabankanya kwa UDHR kulanda pabukankala bwakunonkelamo munsambu shonse isha bantu elyo uyu emulandu wine kwabela umulinganya nokukana patululwa.

### 2.2 Ukunonkela mu nsambu sha bantu

Cila muntu alikwata nsambu shakunonkela munsambu sha bantu. Amashiwi yakutila “Abantu” elyo na “Insambu” yapilibula ukutila cila muntu alikwata insambu sha kunonkela munsambu shakwe mubuntungwa ukwabula ukukankambwa ukuli konse. Ici calola mukuti namayo talingila ukumukanina ukumupela impanga pamulandu wakutila takwete umulume. Mukupashanyako, umuntu uwampama nabaume banankwe nangu umwaume uuyumfwa kwati mwanakashi alikwata nao wine insambu shakunonkela munsambu sha bantu kabili talingile ukukankambwa pamulandu wafyo ayumfwa ukulosa kukwampama. Insambu sha bantu shabelako bonse ukunonkelamo.

#### 2.2.1 Ifyakwishibilako insambu shabantu

Kwaba ifintu fisano ifyayanguka ifyakwishibilako insambu shabantu pamo ngenfi:

**2.2.2 Isha buntunse:** Insambu shabantu Shaba mumuntu onse kabili umuntu afyalwa nasho kanshi tapali uwingashipokolola pamulandu limbi uwa cifyalilwa, amapepo, icifulo, nangu fimbi ifyapalako. Insambu sha bantu shabafye pamuntu mucifyalilwa kumuntufye uuli onse panuesonde. Icakumwenako, pantufye umuntu atemwa ukwampama nabaume banankwe, mwana, mwanakashi nangu mufungwa tacilepilibula ukutila ninshi tabakwata insambu shabantu. Ilyofye balefyalwa aba bantu balipokelelwe neshi insambu ukuli konse panuesonde kabili ishi nsambu tashipwa nakalya.



- 2.2.3 **Isha mwisonde lyonse:** Insambu sha muntu shakufyalwa nasho cila muntu, konsefye uko engaba, kanshi shabafye shimo shine mpanga yonse panuesonde. Tacaba namulandu ukuntu umuntu afyalilwa, bonse banonkela munsambu shimo shine kabili shapelwa ukuti bonse benganonkelamo. Ici calola mukutila konse uko mwingaya panwesamba lya calo abantu bonse bakwata kabili banonkela munsambu shimo shine. Pamulandu waici tekuti tatile tacaba muntambi sha cina Africa nangu kubena Zambia ukucindika insambu shakwa namayo, umuntu uwapusanako necifyalilwa cakwe, uwampana nabaume banankwe, nangu umwana. Takwaba insambu ishabantu baku Europe, America, Africa, India, ishaba sungu nangu abantu bafita.
- 2.2.4 **Ishishingapatululwa:** Insambu tekuti shakanishiwe munshila imo iyingalenga shimo ukumoneka ishikankala elyo shimba teshikankala. Ico tulesambilila pamulandu wakukwata insambu shishingapatululwa fyakutila insambu shonse isha bantu shabafye shimo shine shalilingana temulandu ngashilanda pabunonshi, imikalile, intambi, amashiwi yafikansa fya calo, nangu insambu sha kubishanya nabambi. Mumashiwi yambi insambu shishingapatululwa tekuti shimo shikulepo ukucila shimbi. Ifishinka pali ishi nsambu shishingapatululwa shabafye kwati fishinka fyakwampama pamo.
- 2.2.5 **Ukwampama pamo:** Insambu sha bantu shilampama pamo pakutila abantu benganonkelamo. Uyu emulandu insambu shabantu shishingafumishiwapo, pantu shalilingana kabili tekuti shipatulwe nangu ukwakanishiwa ukulingana nobukankala bwa cila nsambu. Ku cakumwenako, insambu shakuba abomi, shashintilila pansambu shakukwata ubumi busuma, insambu shakukwata ubumi ubusuma shashintilila pakukwata ifyakulwa ico icashintilila pansambu shakukwata mpanga apakulima ifyakulya elyo nefyakonkapo. Kanshi insambu imo inga yafumishiwapo nangu yamonwa kwati taili iyikankala, ninshi ukunonkela kwa munsambu shimbi kwalaba bwafya.
- 2.2.6 **Umulinganya elyo nokukankamba:** Ubwishibilo bwaba pamulinganya nokukana kankamba fimonwa ngeshintililo yansambu shabantu. Umulinganya upilibula ukutila abantu bonse bafyalwa ababuntungwa kabili abalingana. Uyu umulinganya wa bantu wakuma bonse temulandu nomutundu, imyaka, uko apepa, ebo atungilila mufikansa fya calo, ifyo asuminamo mufyantambi, icifyalilwa, ebo afyaya ukwampama nabo, icifyalilwa cakumwishibilako, ngalikwata akashishi ka HIV nangu iyo, nangu ifili fyonse ifyo umuntu engakwata.

Icishinka cakutila abantu bonse babafye cimo cine cipilibula ukutila bonse balingile ukunonkela munsambu shabo ukwabula ukukankamba. Ukukankamba cipilibula ukulamona umuntu munshila imbi iyipuseneko iyabipa pamulandu wamibele ya ulwa muntu pamo nga, imyaka, icifyalilwa, ifyo asuminamo mukwampama, icakumwishibilako, ngalikwata akashishi ka HIV elyo iyo uko apepa nanhu ifisumino fyakwe mufyantambi. Ngacakutila umuntu akankambwa ninshi insambu shakwe shilesulwa kabili ici cilatwala kukucula. Ku cakumwenako, ngacakutila umuntu bamukanina ukumundapa kucipatala, pantu bampama nabaume banabo, lyena ninshi bakankambwa pamulandu wafyo basuminamo ukullosha kukwampama. Ici calola mukutila, insambu shabo nku bumi busuma shasulwa, elyo pamulandu wauku kusula kwa ishi insambu umuntu kuti afwa pamulandu wakukana undapwa. Pamulandu waici, cikankala intungulushi sha cikaya ukushininkisha ukutila abantu bonse muncende shabo balemonwa cimo cine kabili ukwabula ukukankambwa.

## 2.3 Imitundu ya insambu

Kwaliba imitundu ya insambu iyapusana pusana elyo ishi insambu shonse shalilingana, shilampama pamo, tekuti shipatululwe, kabili shipyanwafye no muntu onse. There are different types of rights and all these rights are equal, interdependent, indivisible and inherent in every human being. Insambu sha bantu kuti shaakanishiwa mufipande fibili. Human rights are categorised in two ways. Neshi insambu shintu shakwata abantu bonse

mu calo elyo nensambu shafikansa fya calo elyo nensambu sha bunonshi imikalile lubali lumbi. These are civil and political rights on the one hand and economic, social and cultural rights on the other hand.

Ishi insambu nashilondololwako mukwipifya pesamba:-

1. Insambu shabantu bonse mu calo elyo neshafikansa fyalo: Insambu shabantu bonse mu calo elyo nesha fikansa fya calo shaba pansambu ishapelwa kubantu bamu calo ukwikala abakakulwa ngabantu nangu ibumba. Insambu shabantu bonse mu calo elyo nesha fikansa fya calo shilabikako ubucingo ku bantu namabumba kukukana ikalilwa pansambu kubama buteko, abashili babuteko abantufye, elyo naku bantu ababomba. Mukucingilila cila muntu nangu amabumba, insambu shabantu bonse mu calo elyo nesha fikansa fya calo shishininkisha ukutila abaekala calo basendamo ulubali musendamo ulubali mukunomnekela muli ishi insambu ukwabula ukukankambwa, ukubinda nangu ukucefyako. Icakumwenako ca ishi insambu ninsambu shakusendamo ulubali mukusala, insambu sha kuba umumi, insambu sha maisosele, ukubishanya elyo nokulongana. Ishi insambu shibombela pamo pakutila abekala calo benganonkelamo. Ku cakumwenako, abekala calo tekuti banonkelemo munsambu shakusala ngacakutila tabakwete insambu shakulongana pamo nokubishanya.
2. Insambu sha pa bunonshi Imikalile elyo napafya ntambi Insambu shapa bunonshi, imikalile nefyantambi shaba pansambu ishikabila ukufikilisha umupwilapo kubuteko ukupitila mukubikako indalama nafimbi ifikabilwa kubekala calo. Ishi insambu shikabila ukutila ubuteko bwalikwata umulimo uwakubikako ifikulwa ifyo abekala calo bakalabomfya ukwabula ukukankambwa. Ifyakumwenako pansambu sha bunonshi, imikalile nefya ntambi paba, insambu kubumi busuma, insambu shamasambililo, insambu kukukwata ing'anda, insambu shafyakutukutatukuta, ifyantambu elyo nefishilano. Pakutila Abelaka calo benganonkelamo muli ishi insambu, ishi insambu shilingile ukubombela pamo. Icakumwenako, abekala calo tekuti banonkele mumasambililo ukwabula ubumi busuma. Ubumi busuma tekuti buwame ukwabula umwakwikala elyo nobusuma bufuma kufyakutukutatukuta. Umwakwikala umusuma nefyakutukuta tekuti filete ubuseko ukwabula impanga, amasambililo elyo nefishilano. Ifi fyalola mukutila insambu shalyampana pamo kabili shibombela pamo pakushifikilisha bwino.

## Imibele yansambu sha bantu muno Zambia

Insambu sha bantu muno Zambia shalicingililwa mwifunde sha nsambu shabantu ishaba pacikomo cabutatu mulupapulo lwa calo. Nga cimembala wa cisaka ca United Nations na African Unionica ca Zambia calisuminisha insambu shakukonka ishasuminishiwa naku fyalo fimbi elyo namucitungu twabelako. Ici calola mukutula ukucila pansambu shabako mulupapulo, ishamwisonde lyonse ngefyo cikabilwa ukuba nasho shaliba ishikankala sana mukucingila insambu sha banatu muno Zambia.

### 3.1 Umulimo wakwata ubuteko

Ubuteko bwa bwalikwata umulimo uwakucindika, ukucingilila nokufikilisha insambu sha bantu. Ngacakutula ubuteko bwafilwa ukubomba uyu umulimo, insambu sha bantu ninshi shanyantililwapo. Icakumwenako:

- i. Ukukana cindika: Ilyo insambu sha muntu isha kucingilila nangu ukulongana shatitikishiwa ilyo bakapokola bakana ukupela insambu shakusuminisha. Pamulandu wakutula abekala calo balikwata insambu isha kulongana nobuntungwa bwa kulanda, ici cilaba kunyantilila kwa nsambu shabo.
- ii. Ukufilwa ukucingilila: Ilyo ubuteko bwakana ukupela inshila yalungama iyakucingililamo ukunyantilila kwa nsambu. Ku cakumwenako abena Zambia abengi bekala muncende sha mumishi umo umubombela utwampani twamikoti utwingi. Utu utwampani tulonaula umwela, impanga, amenshi nomushili elyofye nokuleta amalwele, ukufwa kwa filimwa, elyo nokucepelwa kwa menshi. Uku kunyantilila pansambu ishing'i pamo nga amayanda, ubumi busuma, impanga, elyo nensambu sha kwikala muncende yakumushi.
- iii. Ukufilwa ukufikilisha: Ilyo ubuteko bwafilwa ukupela ifikulwa ukwakutangatilwa abantu. Ku cakumwenako, muncende ishing'i muno Zambia abantu muncende sha mumishi tabakwata ifipatala ifingi ifyakuyako, amasukulu, amenshi elyo nafimbi ifikabilwa mumikalile. Ukufilwa kwakupela ifi ifikabilwa kunyantilila insambu ishing'i ishikumine ubunonshi, imikalile elyo nentambi.

### 3.2 Umulimo wabekala calo

Abekala calo balikwata umulimo uwakucingilila abantu bambi muncende bekala kukukana banyantilila pansambu shabo. Nakuba, pamulandu wafisumino fimo fimo ifyabufi, nefyantambi abantu bamo pamo nga banamayo, bamwabi abakumana nabanakashi nangu abaume banabo nangufye bantu balemana nabo balasekwa nokupatululwa. Ishi inshila shakunyantilila pansambu shilacilikila umuntu ukuya pantanshi elyofye limo nokutwala kumfwa. Intungulushi sha cikaya kanshi balingile ukubomba umulimo mukucingilila abo bonse abashakwata apakuma ukuboko kukutitikishiwa kwa nsambu shabo. Abekala calo kabili balikwata ulubali lwakupamfya ukucitila kwingaba ukucingilila insambu sha bantu.

### 3.3 Ukutitikisha kwa insambu sha bantu

Nanu cakuti kwaliba ubucingo ubo bwashininkishiwa mulupapulo elyo namunsambu shimbi isha mwisonde ku bantu namabumba yamo muno Zambia, ubuseko ubwafikapo pansambu shonse ishabako bubafye fyakusekesha ifyabula ukufikilisha kubekala calo. Neci nipamulandu wa iyi imilandu:

- i) Amafunde ayacingilila imibombele: Ulupapulo lwa calo ca Zambia lwakwatafye insambu sha bantu

nefya fikansa fya calo elyo tamwaba insambu shikumine ubunonshi, imikalile elyo nensambu shafyantambi. Mukulundapo, ukubikapo kwa nsambu sha bantu nesha fikansa fya calo takwapwililika pantu amashiwi yabo yalapumyapo ubuseko bwafikapo ubwa bsambu. Ku cakumwenako, insambu sha bumi kuti shafumishiwapo ngacakutila umuntu bamupingula ukupwipaya, ubuntungwa bwakubishanya nabambi kuti bwasekeshafye umuntu ukupitila mukusuminisha mumucinshi. Pamulandu wakutila insambu shasuminishiwa mwisonde tashasungwa bwino naco calileta ubwafya kukubomfya kwa ishi insambu.

- ii) Ukukana ishiba insambu nemilimo ya buteko kubelaka calo, ababomfi babuteko elyo nentungulushi sha cikaya. Ukukana ishiba bwino kulosha kukukana ishiba bwino ico icilenga ukukana tungilila abekala calo.
- iii) Icipowe cilalenga ukubwelela panuma mubunonshi muncende mwikala abantu ico icisa mukuleta ukusekwa nokupatululwa.
- iv) Ukubamwenamo, ifisuminino fimo ifishalinga elyo nentambi sha cikaya. Ifi filalenga insambu sha bantu ukukana fikilishiwa pamulandu wakupitila abashakwata apakuma ukuboko pamo nga banamayo, abalemana, abapusanako mibele yakwampana elyo nabana. Neci nipamulandu wakutila intambi shimo elyo nokubamwenamo filalenga abantu ukusumina ukutila abantu bamusango uyu bapanshi, tabafikapo nangu tebantu bene bene icilenga ukubacusha.

Pamulandu wakutila abashakwata apakuma ukuboko abengi bekala muncende umutungululwa nentungulushi sha cikaya, cikankala sana ukutila intungulushi sha cikaya shabomba bwino mukucingilila insambu sha bekala calo.

### 3.3.1 Ubulondoloshi pa konaula insambu sha bantu

Ukukana bomfya bwino insambu shabantu kulila abantu amasuku pamutwe pansambu ishili ishabo ishakufyalwa nasho. Ukukana bomfya bwino ukwa nsambu kucitika ilyo insambu shamuntu shanyantililwapo, nangu shakana ukukonkwa, ukucindika nangu ukufikilisha. Ngacakutila abekala mushi tabapelwe ishuko lyakusendamo ulubali mukupingulapo pamulandu uubakumine, iyi imibele ninshi yalola mukukana bomfya bwino insambu ishabe kala calo. Ukukana bomfya bwino ukwa insambu kabili kulatwala nakukukankamba ico panuma citwala kukupatululwa kwa bantu abeshingacitapo nangu cimo. Icakumwenako icakubalilapo icakukana ukundapa umuntu uwampana nomwaume munankwe cilelangilila ukukana bomfya bwino insambu sha muntu icilelenga ukutila, insambu sha muntu ishakukwata ubumi busuma ninshi shatitikishiwa.

### 3.4 Abantu abashakwata apakuma ukuboko nangu ama bumba ebo insambu shabo shonaulwa

Ilingi line ukonaula kwa ishi insambu kucitika pamulandu wa mikalile, ifyantambi nangu imibele yafyamashiwi ya fikansa fya calo iyishilesuminisha imibele yabantu abashikwete amaka kabili abapapululwa. Amabumba ilingi abashakwata apakuma ukuboko ebo insambu shabo shonaulwa muno Zambia nibalya abashashipa, abapina elyo abashingaishingilila nangu ukuilandile abene.

Abashakwata apakuma ukuboko kabili abapatululwa muno Zambia paba;

- i. Bana mayo: Ukukonka nentambi bana mayo balipusanako pamulandu wa mibele elyo nefyantambi ifyo twasuminamo pacifulo bakwata mu calo nangu muncende bekala. Intambi ishingilila shabika bana mayo pesamba ukucila bashi bantu kanshi ici cilabalenga ukukana ibimba mufintu nangu mukuteka. Ifi ifusumino pa mikalile nemicitile elyo nokucitila bana mayo mulatumbuka ukukankamba bana mayo. Uku ukukankamba kanshi, kulatwala ukonaula kwa insambu sha bantu.

- ii. Abana: Abana ilingi line tabakwata amaka, apakuma ukuboko, elyo tabaishiba insambu shabo. Kabili bashintililafye pamibele ibili apaba imikalile elyo ne mibele. Abana abakashana bena ebo cacila pantu bena balabakanya nokuya kusukulu nangu ukubomfya bwangu. Ici cilabalenga ukukana sambilila, ukukana ishiba insambu shabo, ukukana ikalile abene nokushintililafye Pali bashi bantu. Ifisa mukutumbukamo ilyo bakula tekuti bese bakwate impanga elyo ukukana sambilila kwabo kuti kwaleta ubwafya kabili pa bumi bwabo namasambililo yabana babo, ico cingalenga abana ukukana sekela munsambu shabo.
- iii. LGBTI: Aya amabumba yaba pamabumba ayashakwata apakuma ukuboko nangu panono mu calo. Neci nipamulandu wakutila balasulwa mu fikansa fya calo, mumikalile, mumicitile, kuba mapepo, elyo naku bantufye bonse. Mukwipifya, balipatwa kabili balasekwa kanshi ecibalenga ukukankambwa muli fyonse umo balingile ukunonkela insambu sha muntu.

### 3.5 Intulo yacalenga ukonaulwa kwa insambu shabantu

- a) Ukukana ishiba: Ukukana nangu cino nokukwata ubwishibilo bwafikapo pamimwene yakukwata nsambu shabantu. Insambu shabantu shibomfiwa ukwabula nokushishiba bwino ifyo shingabomba mumikalile yabantu cila bushiku, namumicitile yonse iya mucalo. Ici kanshi cilalenga cakosa ukwishiba ubwafya ubwisako panuma yakonaula insambu sha bantu ku muntu elyofye namuncende abantu bekala.
- b) Ukusekwa: Kwaliba ifyantambi ifyakonkwa sana elyo nefisumino fimo ifibomfiwa ngefyakubelaminamo mukonaula insambu sha bantu abashakwata apakuma ukuboko. Icacumwenako, kubantu ababa mu LGBTI bamonwa kwati tebena Zambia kabili kwati tebena Africa. Ilyashi pakusalapo kwakwampana nobwishibilo bwacifyalilwa fimonwa kwati mipamba muntambi. Nokukomailapo kwa kukucingilila insambu shabantu, kuti cayangukako ukulanshanya pamilandu ya kusalapo imibele yamuntu ukukuma ukwampana nokwishiba icifyalilwa nokushininkisha ubucingo bwa aya amabumba. Intambi, amapepo, elyo nefya ntambi fyalibomfiwa ngefyakushintilishapo pakonaula insambu sha babumba abashakwata apakuma ukuboko. These result in discrimination of certain groups in the community.
- c) Imibombele ukulingana nefunde : Icalo ca Zambia calisuminisha ifintu ifingi ifyakunse ya calo ifikumine ku insambu sha bantu. Nangu cibe ifyo, kwaliba ifintu fimo muno calo ifikosha umulimo ukullosha kukukankamba nokulesha ama bumba abashakwata apakuma ukuboko. Ukupusana kwaba pamafunde yakufyalo fya kunse, kuno citungu elyo naya muno calo filashupa abekala calo ukucingilila ba membala muncende mwikala abantu, pakucingilila insambu shabantu bonse.
- d) Ukukana kwata apakuma ukuboko elyo nokupatululwa: Kwaliba ibumba lyabantu ebo bakanina ukukwata ifintu ifikabilwa icibalenga ukuba abalekeleshiwa kukutitikihiwa kwa nsambu shabo. Kwaliba imicitile imo iyabikwafye iilundako ukulekeleshiwa kuli aya amabumba. Ku cacumwenako, bana mayo balishibikwa ukutila balicepa icalenga ukukana bacindika munshila iyingi pamo nga ukukwata impanga. Uku ukukana cindikwa kulalenga ukukana kosa mukulwisha insambu shabantu pamo nga ukupokololwa kwa impanga panuma yamfwa yabalume. Kwaliba ukupusanako kwamikalile nokupusana kwa maka bakwata icibalenga ukukana lwisha insambu shabo. Ici cilatwala kukukanatasha pamulandu kwabela insambu sha bantu pamo nga umulinganya elyo nokukana kankambwa.

### 3.6 Ifitumbuka mukonaula insambu sha bantu

Ukonaula insambu sha bantu mulatumbuka ifintu ifyabipa ifingalangililwa mufiputulwa fitatu; pali cila muntu, kubekala calo elyo naku calofye conse

### 3.6.1. Ubwafya bwisa kuli cila muntu.

Ukonaula insambu sha bantu kulalenga ubwafya ubwabipa ubwisa munshila ishampusana pusana. Ubu ubwafya mufumamo paba:

- i) Ukubasula : Ukonaula kwa nsambu kulacefya abantu ukufika pantu bashilingile ukuba. Ku cakumwenako, ukucushiwa elyo nenshila imbi iyakubweshwa panshi imibele yabantu abapusanako ifyo basuminamo mukwampana elyo nabana mayo ukupitila mukumana pakati kabana mayo nabashi bantu elyofye nenshila shimbi ishilinga imibele yamuntu yamonwa iyishalondoloka. Abantu abakumana nobu ubwafya bwakubekalila pansambu ilingi bayumfwa kwati tabafikapo elyo ici cilalenga bene ukuyumfwa abasulwa, abashakwata incito elyo limbi kuti baikulika.
- ii) Ukulofya umucinshi: Icilinga ifi kwikala pansambu sha bantu ukufuma kumusula abantu. Ifi ficitika ilyo umuntu aleka ukumonwa ngo muntu wafikapo kanshi nokumusenda balamusendafye ifyo fine kwati temuntu. Ukukanda kwa cikaya pamo ngokuputula nangu ukwipaya fyaba fyakumwenako ifyakupokolola umucinshi wamuntu. Ukupyanyika elyo nokukuna fyaba pafyakumwenako fimo.
- iii) Ukubwesha panuma: ukonaula kumo kulafumyapo isubilo lyafyo umuntu engacita pakuya pantanshi. Ku cakumwenako, ukufya bwangu umwana kulafumyapo isubilo Iya mwana umwanakashi ilyakukula bwino ukuba umukalamba, ukuya kusukulu nokubomfya amano yakwe, ukukwata ishuko mubumi ilyakufola indalama ishingiri ishikulenga aikala bwino.

### 3.6.2 Ubwafya bwisa kubekala mushi

Pamulandu wakutila abantu baba mumushi bekala, ukutitikisha kwa nsambu sha bantu ku muntu mumushi kanshi kuti kwaleta ubwafya kubantu bantu muncende bekala. Ifyakutumbukamo kubekala mushi kuti paba:

- i) Umuntu ukukana ibimbamo mufilecitika mukufikapoipation: Ukutitikisha kwa nsambu ishingiri kulacefyako ukuibimbamo kwa muntu mufilecitika muncende ekala. Ifingatumbukamo fyakutila abekala mushi balaleka ukunonkelamo mukuibimbamo kwa muntu uko limbi ukwingaleta ubuyantanshi muncende. Ukucepa kwa kukana ibimbamo kwa muntu mufilelenga ubwafya bwa bwafya bumbi pamo nga ukukana kwata ubuyantanshi muncende elyo nokukana kwata umutende mumushi pamulandu wa kupatululwa.
- ii) Ubuyantanshi ubunono: Ilyo abantu bafilwa ukuibimbamo mukufikapo mumilimo yamuncende bekala, umushi bekalamo tekuti uleya pantanshi neci kuti calenga baikalilila mucipowe. Ukukana ibimbamo kwa bekala mushi kabili kulalufyanya ubutungulushi elyo nobuyo tapaba ubwafikapo.
- iii) Akapatulula muncende mwikala abantu: Ifi ficitika ilyo ama bumba yamo nangu abantu balekankambwa. Uku ukukana umfwana kulaleta ubwafya kumicitile yabekala mushi ukulosa kukuya pantanshi nokutekwa. Ukatulula kalalenga ukupusana mumishi pamulandu wakufwaya ukukwata impanga ico icileta ukupatana. Kanshi ilyo kwaba imfwa nangu ukulwala kulaba ukutunganya ukufwaya uulengele. Icisa mukutumbukamo cakutila abekala mushi tekuti baleya pantanshi.

### 3.6.3 Ubwafya bwisako ku calo

Ubwafya bwisa kukunyantilila insambu sha bantu ku calo conse bwaba pa bwafya buletwako ukufuma kuli cila muntu elyo namuncende mwikala abantu. Ubwafya bonse buletwa pakufwaya ukupatulula icalo ico icilefilwa ukuya pantanshi mumikalile, mufyantambi, mubunonshi elyo namufikansa fya calo. Fimo ifyatumbukamo muli ubu ubwafya paba ifyongo ilyo kuli ukuilishanya, ukukana kula mubunonshi, amafunde ayashaluka elyo nokukana ibimbamo mukufikapo ukwaba mashiwi fyafikansa fya calo.

### 3.7 Umulimo wa intungulushi sha cikaya mukucingilila insambu sha bantu

Ukucingilila kwa nsambu shabantu abashakwata apakuma ukuboko mulimo wamuntu onse elyo nokucilisha mulimo wantungulushi shacikaya. Intungulushi sha cikaya balingile ukubombesha nokushininkisha ukutila muncende shabo abantu basambilila pansambu shabo nokubomba imilimo yakonkapo ukushininkisha ukutila insambu sha bantu abashakwata apakuma ukuboko muncende shabo shacingililwa.

- 3.7.1 **Ukuibimbamo kwa bekashi muncende:** Intungulushi sha cikaya balingile bashininkisha ukuibimba mufilecitika ukwa bekashi bonse. Ukuibimba mufilecitika ukwa bantu kushininkisha ukusangwilako kwa bamembala bonse abamumushi mubupingushi bulecicitwa mumushi. Ukuibimbamo kwa bekashi bamu ncende cintu icikankala pantu cishininkisha ukutila cila muntu apendwa, ukutila ishiwi lyakwe nefyo balekabila fyaumfwika kabili cilafwa ukucingilila ukukankambwa. Pali uyu umulandu cilafwa ukucingilila ukukana konka insambu sha bantu nangu ukushinyantilila. Eico, intungulushi sha cikaya shalikhwata umulimo uwakushininkisha ukuibimbamo kwa bantu babo.
- 3.7.2 **Shininkisheni amafunde yakonkwa mumushi tayanawile insambu sha bantu:** Intungulushi sha cikaya shalikhwata umulimo wakusunga amafunde yacikaya kabili balingile ukushininkisha ukutila ilyo amafunde ya cikaya nangu ifyakukonka filebikwa tafyonawile imipekanishe ya nsambu sha bantu. Icacumwenako, intungulushi sha cikaya balingile bashininkisha ukutila amafunde yacikaya tayalengele umuntu uwasumina mukwampama nabaume banankwe nangu uushasumina mucifyalilwa cakwe ukucushiwa nangu munshila iyili yonse ukumusunga buluku buluku ukupitila mufisumino fimo ifyantambi mukutunganya ukutila bengafumya icimupashi cabipa. Intungulushi sha cikaya kabili kuti bashininkisha ukucingilila kukufungwa kwa bantu ababa mu LGBTI.
- 3.7.3 **Ukuba pakati ka buteko nabantus:** Pamulandu wumulimo bakwata uwabutungulushi muncende shabo muno Zambia, intungulushi sha cikaya shaliba pakati ka buteko nabantu. Intungulushi sha cikaya, shaba kuntanshi kabili balishiba ifikabila abantu bwino. Pali uyu umulandu intungulushi eshingalondolola bwino ifilekabila abantu babo ku buteko ukupitila muli pashicilye basala muncende nangu abakalamba bangalila iboma. Icalenga intungulushi sha cikaya batila shilafwilisha “mukufikilisha” insambu shabantu. Ku cacumwenako ilyo akacipala kanono kakulwa pamulandu wakubomba uyu umulimo wabo, intungulushi yacikaya ninshi eyalenga ukufikilisha kwa iyi insambu iyakukwata ubumi busuma.
- 3.7.4. **Ukubomba nabatungwe tulandilako abantu:** Umulimo umbi uwa intungulushi sha cikaya mukutungilila nokucingilila insambu shabantu kubimbamo nokubomba bwino nabatungwe tulandilako abantu utubombela muncende shabo. Ici cilalenga ukutila ba membala bamuncende bekal baishiba insambu shabo, pafyo ubuteko bulingile ukubacitila elyo napafyo bengacita elyofye napa kunyantilila kwa nsambu shabantu elyo nefitumbukamo. Ku cacumwenako, ukupitila mukubomba nakabungwe ka Panos Institute of Southern Africa, intungulushi sha cikaya bakeshiba umulimo wabo uyu kankala munsambu sha bantu elyo kuli pelepele bamembala bamu ncende bekal bakasambilila pakukankamba, ukonaula insambu shabnatu elyo nefitumbukamo.

## Ishuko ilyabako mukucingilila kwa nsambu sha bantu

Intungulushi sha cikaya shalikwata umulimo uwaibele kabili uyukankala mukucingilila kwa nsambu sha bantu babo. Nga fintu cisoselwe kale, umulandu umo wakutila bekala pamo nabantu kanshi balakwata ishuko lyakulanshanya pafilengele nefitumbukamo mukukana sunga bwino insambu sha bantu. Nge intungulushi, intungulushi sha cikaya kuti babomba nafintu ifingi ifyabako nokufibomfya ukwafwilisha ukucingilila insambu sha bantu babo. Ilyo balelanda pakukana bomfya bwino insambu shabantu nokucingilila insambu shabantu, kwali ifintu ifingi umo bengafumya ifyakubomba nafyo. Ku cakumwenako:

- i. Ukukana sambilila elyo nokukana kwata ubwishibilo bwafikapo pa nsambu sha bantu: Cikankala sana ukuyako kumasambililo nokwishibapo fimo pansambu sha bantu. Amasambililo nobwishibilo kuti kabili fyapelwa ukubomfya inshila imbi pamo ngokubomfya imilabasa ya cilimba iyaba muncende mwikala abantu.
- ii. Ukusekwa: Ubwishibilo pafyalandwa pamulinganaya elyo nokukana kankambwa cikankala mubekala mushi ukwishiba ifyo ifunde lyalanda ilya mu calo ilyaiminina pakuhininkisha umucinshi wa nsambu sha bantu.
- iii. Amafunde ayacingilila imibombele: Kwaliba ifyakubomfya mukufikilisha insambu siahapusana pusana ukutampilafye mu calo, mucitungu elyo namwisonde ifingabomba ngefyakutungulula pafyo kwingaba ukucingilila insambu sha bantu. Amafunde ayabikwako mumibombele kuti nayo yalandwapo ukupitila mucilye ca calo.
- iv. Ukukana kwata ishintililo elyo nokusulwa: Ukwishiba nokukonkanyapo ukusambilila ukupitila mukubombela pamo nabatunbungwe tulandilako abekala calo, abacingilila insambu sha bantu elyo nefiputulwa fya buteko kuti fyabomba bwino sana. Kuli ukukabila kwakubomfya inshila shimbi ishingasangwa kubekala mushi pamo ngokutekesha ifilonganino nabantu elyo nokubomfya umulabasa wacilimba muncende ngenhila yakwishibishishamo abantu.

Ishi nshila shilasangwa ilingi line, kabili shalisulwa kuntungulushi shacikaya ukushibomfya. Ishi nshila yamafunde elyo kabili shalibikwako ukukonka elyo shilasangwa ukubomfya ku calo, mucitungu, mwi bima elyo namuncende mwikala abantu monse. Ishi inshila tekuti shilondololwe mukufikapo Sana lelo kulondololwa ifyo ibomba nafilondololwa peasamba. Ili kuti fyaba

### 4.1. Amafunde yapa nsambu sha bantu nefyatantikwa mu Zambia

Amafunde yapa nsambu sha bantu elyo nefyo fyatantikwa mu Zambia fyabelako ukushininkisha ukutila insambu shabantu shacingililwa, ukutungililwa elyo nokufikilishiwa.

#### 4.1.1. Amafunde yabikwa ukukonka

Ukulosha ku mafunde, kwaliba amafunde ayengi ayakwata utunkofyo nkofyo utwingi utupikanya insambu sha bantu. Cilingile ukwishiba ukutila amafunde yapangwa nobuteko, lelo ukufikilishiwa mukushininkisha ukutila abantu abekala muncende banonkelamo. Aya amafunde yengi sana ukuyalumbula lelo cilingile ukwishiba



ukutila amafunde yonse ukukonka nolupapulo yabikilwako ukufikilisha ulubali lwa buteko ulwa nsambu sha bantu. Icacumwenako;

- i. Ifunde pali HIV na AIDS pakukabila kwakuya kucipatala nokundapwa. Ili ifunde lyabelako ukucingilila nokutungilila insambu sha bumi busuma. Ifunde kabili lilasuminisha ukutila abantu balya abampana nabaume nangu abanakashi banabo pamo nga ba LGBTI balingile ukulaya kucipatala nokubondapa.
- ii. Ifunde lyakwafwilisha: Ili ifunde lyabelako ukushininkisha ukutila cila muntu alangwa umulinganya elyo nobucingo bwalinga kwi funde lya calo. Ukupitila mwifunde, ifunde limona pakwafwa lyalisuminishiwe mung'anda yamafunde elyo nakabungwe kakulolesha pakwafwa mufya mafunde kalipangilwe aka Legal Aid Board. Kanshi umuntu uuli onse umupina kabili uwakankambwa pamulandu wakuba umwanakashi nangu umulema kuti afwaya ubwafwilisho ku kabungwe aka.
- iii. Abakabungwe kamona pakupakamisha abantu: Ili ifunde lyabelako ukupakamisha abapina ukupitila mukubapela indalama ishakwambilapo amakwebo. Muli iyi inshila abantu abashakwata apakuma ukuboko ababula incito pamo ngabantu abalemana kuti banonkelamo muli ili ifunde ukupitila mukulemba ukwipusha ukubakongweshako indalama shama loan.

Namafunde yonse ayabako, kuti cacitika ukutila abashakwata apakuma ukuboko bakankambwa nokubakanina ukubatangata. Intungulushi sha cikaya shilabomba umulimo wakukondenkanya mukumona ukutila ukubomfya amafunde ya calo takuletele ukukankamba kubantu babo kabili kwafikilishiwa mumulinganya pakati kabantu akashakwata apakuma ukuboko mu ncende mwikala abantu.

## 4.2. Ifyabikwako ukukonka mumibombele

Pali iyi inshila yafyakukonka pali ifiputulwa ifyapusana pusana ifyabako muncende mwikala abantu, mufitungu elyofye namu calo.

### 4.2.1 Pa ciputulwa ca muncende mwikala abantu

- i. Iciputulwa icitungilila abantu abali mubwafya – Aba basangwa pakapokola muncende mwikala abantu kabili baliba icacumwenako icisuma kubutantiko bwa kucingilila insambu sha bantu. Pakwambafye baishibikwe ukutila batungililafye abali mubwafya bwakubomfiwa buluku buluku mumayanda lelo batungilila abalecushiwafye bonse abaume nabanakashi.
- ii. Ifilye fyacikaya. Ifi nafyo fyaba mumitantikile yamuncende mwikala abantu ifingabomfiwa ukucingilila insambu sha bantu. Ifi ifilye filingile fyashininkisha lyonse ukutila insambu shabantu shacingililwa mumibomfeshe yamafunde yacikaya ayabikwa ukukonka.
- iii. Utubungwe twamumishi utulanda pansambu sha bantu. Iyi nayo ninshila iyisuma Sana iyingabomfiwa mukutungilila nokucingilila insambu sha bantu. Utu utubungwe, nangu tatwabikwa mumafunde yakukonka ayacikaya, kuti twabikwako mukupingulapo ukwa intungulushi shacikaya kabili kuti twabomba notubungwe tulandilako abekala calo ukutungilila ubwishibilo bwa nsambu sha bantu mumishi.

Ukukana ishiba bwino pansambu sha bantu kwalilenga ukukabikako nokukanabako kwa tubungwe twamumishi utu tungilila insambu sha bantu.

#### 4.2.2 Mucitungu

Ifiputulwa ifyapusana pusana ifya buteko fyalikwata amaka yakucingilila insambu sha bantu..

- i. Iofeshi lyakwa cilolo wacitungu elyo nomukalamba wangalila iboma. Aya ama ofeshi yakankala sana eyo intungulushi shacikaya bengayako mukushininkisha ukutila kwaba ukufikilisha insambu sha bantu babo ku buteko. Kupitililafye mwi ofeshi lya buteko mwi boma epela elyo namu ma ofeshi yabuteko mufitungu umo abekala mushi bakwatila ukusosa fyonse ifyo balekabila.
- ii. Icilye fya milandu ifya Magistrate. Ifi ifilye filbomba umulimo uyukamba sana mukufikilisha amafunde ya calo. Icikumwenako, abekashi bamuncende abalemona kwati insambu shabo nashinyantililwapo pamulandu wakubomfya amafunde yacikaya kuti balomba ukuya kucilye ca Magistrate. Muli iyi inshila icilye ca magistrate cilaceceta imibombele yafilye fya cikaya pakutila ilyo balepingula kucilye cacikaya tabapingwile munshila iyingatitikisha insambu sha muntu.

#### 4.2.3 Mumibombele ya calo

- i) Icilye cikalamba sana ica Supreme elyo necakonkapo ica High Court mu Zambia: Ifi ifilye fyaliba ifikankala sana mu calo mukucingilila insambu shabantu. Ifi efilyefye fibili ifyakwata amaka yakubomfya insambu ishaba mulupapulo. Ifi ifilye fibili filalolesha napa insambu shabantu isha mwisonde elyo nesha mucitungu pakwishiba bwino insambu shaba mulupapulo. Abekala mushi balikwata insambu shakuya kuli ifi ifilye mukuyasanga ubucingo bwansambu shabo ishaba mulupapulo. Mulingile ukwishiba ukutila ilyo tamulaya kucilye ca Supreme umuntu alingile ukubalila kucilye ca High Court pakucingilila insambu shabo.
- ii) Akabungwe kamona pansambu sha bantu mu Zambia. Aka akabungwe kabikwako nolupapulo lwa calo. Umulimo akabungwe kakwata wakucingilila insambu sha bantu ukupitila mukufwailisha pakutitikisha kwansambu, ukusambilisha nokwishibisha abantu. Umulimo umbi uwa kabungwe kufwailisha mukutunganya kwakutitikisha kwa nsambu sha bantu. Akabungwe kalikwata ama ofeshi mufitungu fyonse kabili kuti yabomfiwa nentungulushi sha cikaya ukutungilila insambu sha bantu muncende shabo.

#### 4.3 Ifingabomfiwa mwisonde, mucitungu elyo namumwenu ifingacingilila insambu sha bantu

Nangu cakuti umulimo ukukankala uwakucingilila insambu shabantu waba muminue yabuteko, intungulushi shacikaya kuti shabomfya ifyakukonka ifyabikwa ifya mwisonde, mucitungu nango mu calo ngefyo fyalondololwa pesamba munshila iyileshininkisha ubucingo bwa bantu babo.

Intungulushi sha cikaya kuti shabomfya ifi ifyabikwako:

- i) Ipusheni ukutila bengamilondolwela: Intungulushi kuti shabomfya ifyakukonka ifyabikwako ukwipusha ubuteko pafyo bulingile ukucila ukullosha kukucindika insambu sha bantu. Icikumwenako pakulundamo ubuteko ukupitila mwi ofeshi lyaba kalomba bamilimo mwi boma ba DC pamulandu wakubikako amasukulu, intungulushi sha cikaya shalikwata inshila yakubomfya pantu ukubikako kwamasukulu waba mulimo ubuteko bwakwata ukullosha kunsambu sha masambililo. Nangu nilintu kuli ukukabila kwa fipatala finono intungulushi shacikaya kuti shapusha ubuteko ukulanda ukutila, ukutangata abantu mufya bumi tacabafye lifunde lya calo lelo waba mulimo untu ubuteko bwakwata ukupitila mumafunde ayalola mukupakamisha insambu sha bantu ukullosha kubumi.

- ii) Mukwishibisha pamagunde ya calo: Aya amafunde kuti yabomfiwa mukutungulula ukulanshanya pa inshila ikumine insambu shabantu kug'anda yaba shamfumu mwibomba. Icakumwenako ilyo balelanshaya pafyo balefwaya ukuba mumafunde nangu pamafunde yalekabilwa, intungulushi shacikaya kuti basanshako ukutontonkanya kwabo ilyo baishiba ifyo insambu sha bantu shakatama.
- iii) Ukuwamyia imibele ya ifilye fya cikaya: Amafunde yansambu sha bantu yalabikako imibele iyo intungulushi sha cikaya shingabomfya mumafunde yacikaya pakushininkisha ukutila insambu sha bantu shacindikwa kabili tashisulilwe mucilye ca cikaya. Ku cakumwenako amashiwi pa mulinganya elyo nokukana kankamba ifisangwa mumafunde kuti fyabomfiwa ukucingilila bana mayo, abana, abampana nabaume nangu abanakashi banabo, abalemana elyo nabambi abashakwata apakuma ukuboko elyo nabasulwa. Ukupashanyako imibele kuti cabomfiwa muncende sha mumishi pakulongana ilyo kuli ukubika amano pamo nokupingulapo.

Calyangula ku intungulushi sha cikaya ukutungulula abantu babo munshila yakuya panyanshi ngacakutila nabeshiba ifyo insambu shabantu shaba elyo namafunde yabako mukucingila insambu. Ici cilafwa ukukusha amatontonkanyo yapa insambu shabantu kuntungulushi shacikaya elyo cikankala kukuya pantanshi elyo nokubelelela kwa buyantanshi muncende.

#### 4.3.1. Amafunde yamwisonde ayapa nsambu sha bantu

Mwisonde lyonse abantu balipelwa nokucingililwa namafunde yesonde aya mwisonde. Amafunde ya calo pa nsambu yapangwa nefyakukonka fitatu ifikankala sana kunsambu sha bantu. Ifi fyaba kusabankanya kwa mwisonde pansambu shabantu, ukusuminishanya kwa fyalo pamikalile nensambu shafyantambielyo nokusuminishanya kwa fyalo pansambu shabantu nefikansa fya calo.

##### 4.3.1.1 Ukusabankanya kwa mwisonde ukwa nsambu shabantu

Ukusabankanya kwakusuminishanya pansambu shabantu kwasuminishiwe naba cisaka ca United Nations pakulongana kwali pa 10th December, 1948, icalenga ubu ubushiku busalwe ukuba nshiku nkulu yansambu sha bantu.

Isambililo lyapa mulinganya lyabikwa mucikomo 1 icaba UDHR. Aya amashiwi yabelako ukusekesha nokucingilila kwa nsambu sha bantu kabili ngefyakufikilisha ifunde lyesonde lyonse pansambu shabantu. Icikomo 1 cilanda ukutila:

#### **“Abantu bonse bafyalwa abantungwa kabili abalingana mubucindami elyo nensambu”**

Icikomo 1 cilolesha pamulinganya wamuntu elyo nobucindami cila muntu afyalwa nabo. Cikomaila pacishinka cakutila umuntu onse alifikapo ukukwata insambu kabili ali lingana nabantu bambi mukunonkela munsambu.

Kanshi ici cilasuminisha ukubako kwacisumino cakukana kankambwa. Ici icisumino cakukana kankamba cilasangwa mucikomo ica kusabankanya kwaba UDHR pamo ngefi: -

**“Cila muntu alikwata insambu shonse elyo nobutungwa ubwabikwa muli uku kusabankanya, ukwabula ukupusanya ukuli konse, pamo ngo kwankanda, icifyalilwa, umutundu, amapepo, ukutungililwa kwa fikansa fya calo, uko afuma, ifyo akwata, ukufyalwa nangu icifulo”**

Icikomo 7 icakusabankanya kwa UDHR kabili cilondolola ici icisumino ukutila, “bonse” babafye cimo cimo ukullosha kwifunde kabili balikwata insambu ukwabula ukukankamba ishacucingililwa na mafunde. Cilundapo

nokutula “bonse” balikwata insambu shimo shine ishakucingililwa “kukukankambwa ukuli konse” mukonaula ili ifunde lyasabankanishiwe nokukana tunka ukukankamba.

Nangu cakutula ukusabankanya kwa mu UDHR takwalanda mukufikapo pakukana kankamba abapusanako imitontonkanishe pa kwampana, UDHR ilabimbamo ubucingo bwa bantu bonse abanono elyo nabashakwata apakuma ukuboko ukubikakofye nabantu abanono abasumina mukwampana mukupusanako nefyo caba. Ukukumana kwaba cishi ca United Nations kwalisuminisha ukutula umutante wabikwa mucikomo 2 tawapwililika. Ku cakumwenako, mukusuminishanya 45/187 ukwa mu 1990 elyo na 46/203 ukwamu 1991 ba UNGA balishininkishe ukutula abantu abakwata akashishi ka HIV bacingililwa kukukana kankambwa mumashiwi yakutula “imibele imbi”

#### 4.3.1.2 Icipangano ca mwisonde lyonse pansambu sha bantu neshafikansa fya calo ekutula International Covenant on Civil and Political Rights (ICCPR)

Ukusuminishanya kwa fyalo fyonse pansambu sha bantu neshafikansa fya fyalo (ICCPR) caba mashiwi yaikatilila uyu mulandu ayalanda nokulundako insambu sha bantu neshafikansa fya calo mukusabankanya kwa mwisonde lyonse. Icalo ca Zambia naco caliibimbilemo muli uku ukusabankanya kwa ICCPR pa 10th April 1984. Icisuminino camulinganya nokukana kankamba muli ICCPR citendekela matumashiwi twakubalilapo. Cilasumina ukutula insambu shicifyalilwa pakulanga ubukankala bwa muntu onse. Icikomo 2 (1) ica ICCPR cilanda pa mulimo wakwata ifyalo fyonse (apali necalo ca Zambia) uwakushininkisha ukutula umuntu onse mu calo alesekelela munsambu shabako ukwabula ukumukankamba ukuli konse. Palondolola ukutula; -

“Cila calo (ifyapala icalo ca Zambia) ukulingana necipangano cabako icakucindika nokushininkisha ukutula abantu bonse mu calo insambu shabo shacindikwa ukukonka necipangano, ukwabula ukucilinganishiwa ukuli konse, ifyapala ukwa mutundu wa muntu, imibele yakwe pakwampana, ifikansa fya calo nangu ukuyumfwa kwabo pafintu, icalo cintu atuntukako, ifyo akwata, icifyalilwa cakwe nangu icifulo”

Iciputulwa icashingamwa nomulimo wakushininkisha ukutula ifyalo fyonse fyakonka ifikabilwa ukukonka mucipangano bakabungwe kamona pansambu sha bantu. Mukupilibula aya amashiwi ayamulinganya nokukana kankambwa, abakabungwe balibikilepo amashiwi basuminishenye ayaba pampemdwa ikumi nacune konsekomse 18 ayo yalandilweko kale. Mukulungatika, aya amashiwi yasuminishe bonse yalanda pali aya amashiwi aya nsambu nokukana kankambwa mumashiwi ya anguka.

#### 4.3.1.3 Ukusuminishanya kwa mwisonde pa bunonshi, imikalile elyo nensambu shapafya ntambi ekutula International Covenant on Economic, Social and Cultural Rights (ICESCR)

Ukusuminishanya kwa mwisonde pa bunonshi, imikalile elyo nensambu shapafya ntambi (ICESCR) ukupalanako na ICCPR ilalundako nokukushako insambu shasuminishiwa mukusabankanya kwa mwisonde mukufikapo elyo nokulondolola bwino intampulo ishikabilwa pakufikilisha ishi insambu ishabako. Icalo ca Zambia caibimbilelo mukusuminishanya kwa ICESCR pa 10th April mu 1984. Nangu cakutula caliibimbamo pamyaka ukufika kuli 30 nombwa, icalo ca Zambia tacabomfyapo insambu shakuma ubunonshi, imikalile elyo nentambi ishabikwa mu

ICESCR. Ici cilacefyako umulimo waciko uwakufikilisha umulimo waciko uyukankala uwaba mu ICESCR ukwabula ukubepesha ukukana kwata ifyakubomfya.

Umulimo uyukalamba uwaba mu ICESCR waba cisumino cakukana kankamba. Neci nimukutila, nangu cashupa shani icalo conse icasuminisha kuli ICESCR cilingile ukufikilisha ukunonkela muli ESCR ukwabula ukukankamba pamulandu uuli onse. Mukulundapo, ulya wine muntu alingile ukumutangata bwino mumulinganya pakunonkela munsambu shakwe nokukonka ifunde. Ici tacilekabila indalama pakufikilisha, kanshi eco citilwa ukutila umulimo walinga ukubomba bonse.

Ici icisumino elyo nensambu shakukana kankamba shalishininkishiwa mucikomo 2 (2) ica ICESCR. icitila:-

**“Ifyalo ifyasuminisha kuli ici icipangano filingile ukushininkisha ukutila insambu shabikwa mucipangano shafikilishiwa ukwabula ukukankamba ukuli konse pamo ngokulolesha pakuntu umuntu afuma, umutungu, icifyalilwa, amapepo nangu ifikansa fya calo nangu ukuyumfwa kwabo kumbi, ku calo kuntu afuma, ifyo akwata, uko afyalilwa nangu ifyo aba fimbi.”**

Abaceceta ukufuma mu ICESCR bakabungwe kamona pansambu sha pabunonshi, imikalile elyo nentambi. Abakabungwe balapilibula insambu ishampusana pusana mu ICESCR elyo nokupela ubwishibilo bwafikapo ukupitila mukulandapo kwabo.

#### 4.4 Ifyakubomfya mucitungu

Pa citungu, icalo ca Zambia nici membala ca kabungwe ka African Union elyo kabili nici membala ka African Charter akalolesha bantu napansambu sha bantu (akaloshiwako ukutila African charter). Akabungwe ka African Charter kasuminishiwe nabakabungwe kafilonganino fimona pakwikatana mu Africa aka Organisation of African Unity (OAU) ako nomba ketwa African Union (AU) ku Nairobi ku calo ca Kenya pa 27th June mumwaka wa 1981 kabili kaishile pelwa amaka pa 21st October mu 1986. Icalo ca Zambia kaishileba ka membala muli aka akabungwe pa 10th January mu 1984.

Akabungwe ka African Charter kakwata icisumino cakwisa pami mukusuminishanya pakucingilila nokutungilila insambu sha bantu mu Africa. Ifyakubomfya fimbi paba ifyakukonka muli uku kusuminishanya pansambu shabana mayo elyo napa nsambu nemibele yabana. Ici iciputulwa cakwata ifyabikwako ifili 26 ifibikako umulimo pa calo ca Zambia nefyalo fimbi ifyaba mu Africa uwakucindika ukucingilila nokufikilisha insambu sha bantu isha bekala calo bonse. Insambu shaba muli ici cipangano paba, insambu shamulinganya elyo nokukana kankamba, insambu shakukwata ubumi, umucinshi wamuntu, incito, ubumi, ubutungwa bwa maisosele, ukulongana nokubishanya.

Icikomo 2 icacipangani cabamu African Charter cilanda pa cisumino nensambu sha mulinganya nokukana kankamba. Cilanda ifili pesamba: -

**“Cila muntu alikwata insambu ishakunonkela munsambu nobutungwa ifyabikwa nokushininkishiwa mucipangano cabako ukwabula ukupatulila ukuli konse pamo nga umutundu, umutundu, ifyo amoneka, icifyalilwa, icitundu, amapepo, ifikansa fya calo ifyo atungilila, ku calo kuntu afuma, indalama akwata, uko afyalilwe nangu ifyo akwata fimbi”**

Icikomo 3 cilanda pacisuminino camulinganya muli iyi nshila:

**“Ifunde limo line kumuntufye onse, cila muntu alingile ukukwata ubucingo bumo bwine nabambi ukukonka namafunde”**

Icikomo 4 na 5 nafyo filanda fimo fine pamulinganaya nokukana kankamba pamulandu wakutila, fikomaila pamucinshi wakwata umuntu. Icikomo 4 cilasuminisha ukutiala “abantu balicindama elyo cila muntu alingile ukupelwa umucinshi pabumi bwakwe nemibele yakwe ngo muntu”. Icikomo 5 naco cikonkanyapo nokutila “umuntu onse alinokukwata insambu ishakucindika kwa mibele yakwe iyabuntunse elyo nokucindika ifintu aba.

Ici icipangano calishiba bwino ukutila ukwabula nangu kamo nangu icifulo icili conse abekashi ba mu calo “ba bantu” pamulandu waici umucinshi wakufyalwa nao ulabalenga ukuba abalingana nabambi kanshi tapali ukukankamba ukwingacitwa pakubakanya ukunonkela munsambu shabo Icikomo 2.3.4 na 5 kanshi fikankala sana mukucingilila abantu abasumina mukwampama nabaume nangu abanakashi banabo. Nangu cakutila abantu abampama nabaume nangu abanakashi banabo tabalumbulwa mukufikapo, ifitumbuka fikomo fyakutila aba bantu balibimbwamo ngabakwata insambu kanshi balingile ukucingililwa.

#### 4.5 Ifyakubomfya mucalo ukullosha ku insambu shabantu

Mu calo, insambu sha bantu shalicingililwa nolupapulo lwa calo namumafunde yansambu sha bantu.

##### 4.5.1 Ulupapulo lwa calo ca Zambia

Ulupapulo lwa calo lwabikilweko pabushiku icalo capokele ubuntungwa mu 1964. Panuma ulu ulupapulo lwalyalulwamo fimo fimo. Mu 1976, ulupapulo lwalyalwilwe kabili icalo calimwene ukufyalwa kwa mitekele imo. Mu 1991, panuma yakuilishanya icabipisha nokwenda icitinta ng’ombe mukuilishanya, ulupapulo nakabili lwalyalwilwe, icalenge nomba kube ukubika kwa mitekele yamitundu yapusana iyamaisosele. Mu 1996, ulupapulo lwalyalwilwe nakabili pali iyi inshita ici cacitilwe mukufwaya ukukosha ubuntungwa mu calo..

Temulandu nokwalula konse uku, ulu papulo lucilipo ulwa mu 1996 lucilifye fimo fine ngalulya lwapangilwe mu 1964 ulwafumine kumitekele wabena Britain bamwisha abaleteka ilya nshita. Icikomo 11 cilanda pa nsambu sha mulinganya nokukana kankamba, ukulondolola ukutila:

**“Nacisuminishiwa nokusabankanishiwa ukutila umuntu onse mu Zambia alikwaka kabili ali nokukonkanyapo ukukwata insambu nobuntungwa sha muntu, ici calola mukutila insambu ukwabula ukulolesha pamutundu, uko afuma, ifikansa fya calo ifyo atungilila, ifyo amoneka, ifyo asuminamo, icifyalilwa cakwe, ngalyupwa nangu alyupa, lelo ukulingana nefibikilwe muli ici icipande...”**

Icikomo 23 (3) cilanda pakutila ukukankamba

**“Cipilibula ukupela ukutangata ku bantu abapusanapusana abalumbwilwe, abo abakumine kumutundu, icifyalilwa, uko bafuma, ngabalyupwa nangu ukupa, ifikansa fya calo batungilila, ifyo basuminamo icakutila umuntu umo pabantu balumbulwa teti abimbwemo nangu ukupelwa ishuko ilishipelwa kubantu abalondololwa mumusango umbi.**

Ilyo twalolesha pali ifi ifikomo, cilelangafye apabuta tutu ukutila ulupapulo lucili namaka mukushininkisha inshila shamulinganya nokukana kankamba.

Ilyo amashiwi yaba mulupapulo pakukankamba yalondololwa bwino bwino mukukuma kunsambu sha bantu mwisonde lyonse umu icalo ca Zambia cakwata lulubali. Amashiwi ya mulupapulo aya pakukankamba tayabomba. Ici cilepilibula ukutila abantu bonse ukubikapofye namabumba yabashakwata apakauma ukuboko kuti basekela munsambu shashininkishiwa isha mulupapulo apali amayendele, ukulongana, amaisosele, ukulanda, ubumi, nobucindami ukwabula umwensu nomutitikisha

Mumpapulo mwaba ifunde lilolesha pansambu ishaha palubali lwacitatu mulupapulo. Mucine, icipande cabutatu nangumwifunde lyansambu sha bantu mwabafye insambu shabantu nabamashiwi yafikansa fya calo pamo nga insambu shakusala, insambu shamayendele, insambu shakubishanya, elyo nokulongana.

#### 4.5.2 Ifunde lya nsambu sha bantu

Mwifunde lya nsambu shabantu mwabafye insambu sha bantu neshi fikansa fya calo ukufumyako insambu sha bunonshi, imikalile elyo nensambu sha pafyantambi nge fikomo fisontelela kumafunde yamitekele. Nangu cakutila tamwaba insambu sha pabunonshi, imikalile elyo nefyantambi, abena Zambia balicili balikuma kuli ishi nsambu pamulandu wakutila icalo ca Zambia calikwatamo ulubali mufisolobelo fyesonde lyonse. Ulu lubali icalo cakwata lilepilibula ukutila Zambia yalilangisha ukufwaisha ukusendamo ulubali nokukonka ifi fikomo munshila shaibela munsambu shabantu.

Ukubulila kwansambu shabunonshi, imikalile, nentambi mulupapulo lwansambu shabantu kwalondololwa ukutila Zambia ilefilwa mufyo ilingile ukukonka ifikumine isonde lyonse elyo necitungu. Ifunde lyansambu shabantu talyabala alipitulukwamo kanshi mucili ifintu filya finefye ifyakale atemwa ifyaba mwisa ifyamutitikisha. Icishinka cakutila insambu shabantu mu Zambia shabafye fyakwelenganyafye.

Abekala calo tekuti bakwate ishuko lyakucingililwa ilipelwa isonde lyonse ukukuma kubukankala bwa nsambu shabantu. Kanshi aya amafunde yalafikilishiwa muli cila calo ukupitila muma funde nobutantiko mukufukilisha ubucingo bwansambu sha bantu bonse.

## Ifyakubomfya intungulushi sha cikaya pakucingilila insambu shabantu

Mukumona ukutila babomba umulimo wabo mukucingilila insambu sha bantu, intungulushi shacikaya kuti babomfya ishi inshila ngeshakubatungulula:

- 5.1 **Intungulushi sha cikaya shilaibimbamo mukulanshanya kuba muncende bekala cila nshita:** Ici kyti cashininkisha ukutila cila muntu muncende bekala alikwata umulimo mubumi bwa bantu elyo nokumona ukutila insambu sha bantu shakonkwa nokucindikwa. Ubusuma bwaba mukuibimbamo bwakutila insambu sha bantu shilacindikwa nokucingililwa kubantu abene elyo nacinkupiti. Ici cilashininkisha ukutila imibele yansambu shabantu shakonkwa kubantufye bonse. Kuli aba bantu abashakwata pakuma kuboko kabili abasulwa pamo nga abantu aba LGBTI tekuti bakankambwe. Kanshi cikankala ukwishiba ukutila ubuyantanshi muncende tekuti bucitike ukwabula ukuibimbamo kwabantu bekalamo.
- 5.2 **Ukubombela pamo nabatubungwe tulandilako abantu elyo nabambi abacingilila insambu shabantu nabambi ababimbwamo:** Ukubombela pamo notubungwe tulandilako abantu kukashininkisha ukutila intungulushi shacikaya pamo nabantu babo batunngilila ubuyantanshi bwa nsambu sha bantu muncende bekala. Pamo ngecilangilila utubungwe tulandilako abantu tukafwa abantu ukukonka amafunde ayalekana lekana ayakumine kunsambu shabantu, amafunde nemitekele nefyabikwako ukukonka mu Zambia. Icilangililo abatubungwe tulandilako abantu pamo nga aka PSAf tulafwa ukupela ifilekabilwa ifikalangisha ubukankala bwakukana kankamba uuli onse muncende bekalila. Muli iyi inshila utubungwe tulandilako abantu tulibgile twamoneka ukumoba utwaampana mukufikilisha insambu sha bantu pano nentungulushi sha cikaya.
- 5.3 **Ukubikako ifyakukonka muncende mwikala abantu mubutantiko bwakwishibisha abantu pansambu:** Pakushininkisha ukutila kwaba ukucingilila insambu shabantu muncende bekalile kulingile kwaba inshila ishikashininkisha ukutila bonse bacingililwa. Icakumwenako utubungwe tumona pansambu sha bantu kuti twapangwa utulingile ukumona ukutila insambu sha bantu shalakonkwa muncende bekala. Intungulushi shacikaya ukukonka namafunde yacikaya nentambi mukumona ukutila ifunde lya calo lya konkwa nokukana fulunganya imipekanishe yansambu sha bantu muncende bekala, shilingile uku layangalila utu utubungwe. Utu utubungwe kabili kuti twaba nanka mumulimo pamo notubungwe tulandilako abantu mukubikako amasambililo yakumine insambu sha bantu.
- 5.4 **Ukushininkisha ukutila ifunde lya cikaya nentambi tafifulungenye insambu sha bantu:** Intungulushi shacikaya shilingile ukumona ukutila ifunde lyavcikaya talifulungenye insambu shabantu. Ukufika pamo ino nshita intungulushi sha cikaya shilingile ukukwata inshila iyabikwa iyakubomfeshamo amafunde ya cikaya. Ici calola mukutila pakupingula pamilandu, mufilye fyacikaya, insambu sha bantu shilingile shacindikwa ukucila pantambi. Muli iyi inshila ukukankamba ukucitika pamulandu wa kukonka intambi nemibele kuti fyacilikishiwa.



- 5.5 Ukubimbamo sana ubuteko pakushininkisha ukutila kwaba ukucingilila insambu shabantu bekala **muncende**: Ubuteko bwalikwata umulimo wakubakilila uwakubalilapo ilyo cakuma kwi funde lya bantu. Ebulingila ukumona ukutila ifikabilwa kunsambu sha bantu mwisonde lyonse namuncende babelele fyakonkwa nangu ukufibika mumafunde yamitekele ya calo. Napali ici, intungulushi sha cikaya shilingile ukumona ukutila shabombela pamo busaka busaka nefiputulwa fya buteko ifyalekana lekana. Ukubimbamo ubuteko cilepilibula ukutila intungulushi sha cikaya baketa abamuciputulwa ca buteko ukukula icipatala, kiliniki, mukufikilisha insambu shabantu pabumi, isukulu, mukufikilisha insambu shamasambililo. Ici cikankala pantu intungulushi sha cikaya shalipalamina kubantu nokwishiba ukukabila kwabo ukucila ubuteko. Muli iyi nshila intungulushi sha cikaya baba abakwimininako abantu babo.



**Panos Institute  
Southern Africa**



## Contact us

### **Panos Institute Southern Africa Regional Office**

Plot 9028 Buluwe Road  
Off Leopards Hill, Woodlands  
P.O. Box 39163, Lusaka Zambia  
Tel: +260 211 263258 Fax: +260 211 261039  
Email: [general@panos.org.zm](mailto:general@panos.org.zm) Website: <http://www.panos.org>

### **South Africa Office**

P.O. Box 3286, Parklands, 2121  
158 Jan Smuts Avenue, 3rd Floor  
Rosebank, 2196  
Johannesburg  
Email: [admin@panos.org.za](mailto:admin@panos.org.za)

### **Mozambique Office**

Rua Castelo Branco,47 -1st Floor  
Malhangalene  
Tel/Fax: (+258)21415549/ 849414984  
Mobile: (+258) 823050604/ 848585135  
Email: [mozambique@panos.org.zm](mailto:mozambique@panos.org.zm)

*PSAf is part of a global network of Panos Institutes located in Addis Ababa,  
Chennai, Dakar, Dhaka, Kampala, Kathmandu, Kingston, New Delhi,  
Paris, Port-au-Prince*

### **Panos Network Secretariat**

[www.panosnetwork.org](http://www.panosnetwork.org)  
Email: [info@panosnetwork.org](mailto:info@panosnetwork.org)

### **Panos Caribbean**

[www.panoscaribbean.org](http://www.panoscaribbean.org)

### **Panos Eastern Africa**

[www.panoseasternafrica.org.ug](http://www.panoseasternafrica.org.ug)

### **Kampala, Uganda**

(regional centre)  
tel: +256 414 344231  
fax: +256 412 54729  
[pea@panoseasternafrica.org.ug](mailto:pea@panoseasternafrica.org.ug)

### **Panos Paris**

[www.panosparis.org](http://www.panosparis.org)  
tel: +33 1 40 41 05 50  
fax: +33 1 40 41 03 30  
[panos@panosparis.org](mailto:panos@panosparis.org)

### **Panos South Asia**

[www.panosouthasia.org](http://www.panosouthasia.org)

### **Kathmandu, Nepal**

(regional centre)  
tel: +977 1 5521889  
fax: +977 1 5544641  
[psa@panosouthasia.org](mailto:psa@panosouthasia.org)

### **Panos West Africa**

[www.panos-ao.org](http://www.panos-ao.org)

### **Dakar, Senegal**

(regional centre)  
tel: +221 849 16 666  
fax: +221 822 17 61  
[info@panos-ao.org](mailto:info@panos-ao.org)



**Vision:** A Southern African community  
that drives its own development